

НЭ'МА АГУБ

Пешготын

Нэ'ма Агуб те бежи мина бэрэвокэке йэ, йа кӧ бона ван эндәмед шьвина^ф Хwәде йэ, к'ижан кӧ т'эмамыйа дьнайайеда бәлабуйи нэ (1:1). Ль гора шә'дед сәдсалийед пешьнда хӧдане ве нэ'ме Агубе^ф бьре Иса Мәснһ э (Мәтта 13:55; Марқос 6:3) у сәрверәки шьвина Оршәлимеда^ф бу (К'аред Шандийа 12:17; 15:13; 21:18; Корьнт'и I, 15:7; Галати 1:19; 2:9). Әw бь хәбәред қәwат у мәсәлед бәдәw р'е дьдә бәр бawәрмәнда, wәки бькарьбьн бь сәрwахти^ф нава э'мьрәки р'астда бьжин. Әw сәр чәнд пьрса дьсәкьнә, awа готи сәр дәwләтийе у фә-қирийе, шер'ьбандьне^ф, жийина пироз^ф, фьрқиқьрьне, бawәрийе^ф у кьрьнед we, өса жи дәрһәқа зедәзманийе, сәрwахтийе, шәр'-дә'wa, к'ӧбарийе у мьлуктийе, хәйбе у ломәк'арийе^ф, сәбьре у дӧа.

Ве нә'меда әw гьранийе дьдә сәр ве йәке, wәки жийина мәси-хийеда^ф гәрәке һьн бawәри һәбә, һьн жи кьр. Дьл дьдә, wәки нава щәфа у тәнгасийада^ф сәбьр кьн, қәwата дӧакьрьнеда бawәр бьн у бь р'ӧһ'ани али һәв бькьн.

Сәрәшәма фькьра нә'ме

Пешготын (1:1)

Бawәри у сәрwахти (1:2-8)

Фәқири у дәwләти (1:9-11)

К'әтгьн-р'абун (1:12-18)

Бьбьһен у бьқәдиньн (1:19-27)

Бона фьрқиқьрьне (2:1-13)

Бawәри у кьрьн (2:14-26)

Бawәрмәнд у зьмане wi (3:1-18)

Бawәрмәнд у дьнйа (4:1-5:6)

Ширәтед шур'ә-шур'ә (5:7-20)

Сьлавкърьн

1 ¹Жь Ақубе^ф хөламе Хвәде у Хөдан^ф Иса Мәснх:

Сьлав ль вә һәр донздәһ ә'ширед дьнйайеда* бәлабу-йи бә.

Бавәри^ф у сәрвахти^ф

²Хушк-бьрайед мьн, шабунәкә мәзын һ'әсаб кьн, гава һун бьк'әвьнә нава шур'ә-шур'ә щер'ьбандьна. ³Фә'мдари йә, кә щер'ьбандьна бавәрийа^ф вә сәбьре пешда тинә. ⁴У сәбьр жи, бьра бь думька дьреж бә, вәки һун к'амьл у гьништи бьн, т'ө кемасикә вә т'өнәбә. ⁵Һәгәр сәрвахтийа^ф йәки жь вә т'ера ви накә, бьра һиви жь Хвәде бькә у ве жь wir'а бе дайине. Әв бь мәр'дани дьдә һ'әмуя у т'ө кәси бекәдър накә. ⁶Ле т'әне бьра бь бавәрийе^ф бьхвазә у дөдъли нәбә, чьмки йе дөдъли мина пелед бә'ре йә кә жь байе бьльнд дьбьн у датиньн. ⁷Мәрьве^ф өса бьра нәфькьрә, кә ве тыштәки жь Хөдан бьстинә. ⁸Әв мәрьве

кә сәр дө ньга дькөлә, һ'әму гавед хвәда нә сәр йа хвә йә.

Фәқир у дәвләти

⁹Бьрайе бәләнгаз бьра сәр бьльндбуна хвә бьфьр'ә, ¹⁰ле йе дәвләти сәр ньмьзбуна хвә, чьмки әве мина гөлед гиһе һ'ьшк бә һәр'ә*. ¹¹Чава тә'в бь гәрмаййа хвәва дәрте гиһе һ'ьшк дькә, гөл же дьварьн у бәдәвәтийа диндара ве жи өнда дьбә, өса жи йе дәвләти ве ише хвәда бьч'ьлмьсә һәр'ә.

К'әтгьн-р'абун

¹²Хвәзи ль ви мәрьви, кә щер'ьбандьнада тәйах дькә, чьмки гава бь щер'ьбандьне р'успи дәре, әве т'аше^ф жийине бьстинә, к'ижан кә Хвәде ванр'а соз дайә, йед кә Ви һ'ьз дькьн. ¹³Бьра т'ө кәс, йе кә нава щер'ьбандьнеда йә, нәбежә: «Хвәде мьн бь хьрабийе дьщер'ьбинә», чьмки Хвәде хьрабийада найе щер'ьбандьне у нә жи йәки дьщер'ьбинә. ¹⁴Ле һәр кәс дьбә машоде дьлһавьжийед хвә, дьхапә уте щер'ьбандьне. ¹⁵Һьнге

* 1:1 Бь готьнәкә дьн: «Донздәһ ә'ширед Исраеле^ф».

* 1:10 Ишайа 40:6-7.

дълһавъжи кәле хвә дьстинә, гөнә^ф же дьфьркә у гөнә жи кә мәзын дьбә, мьрын же дьбә.

¹⁶ Нәхәпън хушк-бърайед мьнә дәләл! ¹⁷ Нәр дайина қәнш у нәр п'ешк'еша^ф к'амьл жь жор ә, жь Бав^ф, жь Ә'фьран-даре р'онайа те хваре, Йе кә нә Хвәха те гөһастьне, нә жи си бәр Ви дадьгәр'ә. ¹⁸ Әви ль гора қьрара Хвә әм бь хәбәра р'астийе жь Хвә дьне хьстьн, вәки әм бьбьнә аһазәки бәрәд^ф дәрәмәта пешьнә ә'фьринед Ви.

Бьбьһен у бьқәдиньн

¹⁹ Заньбьн*, хушк-бърайед мьнә дәләл, бьра нәр мәрвь бьһистьнеда сәрхвә бә, ле хәбәрдан у һерск'әтьнеда гьран бә, ²⁰ чьмки һерса мервь һәқийа Хвәде найнә сери^{ф*}. ²¹ Ләма һ'әму мьр'дар'ийе у нәр хьрабийе жь хвә дур хьн, бь мьлуктийе ве хәбәра нава вәда чанди қәбул кьн, йа кә дькарә р'өһ'е вә хьлаз^ф кә.

²² Хәбәре бьқәдиньн, нә кә т'әне бьбьһен у өса хвә бьха-пиньн. ²³ Нәгәр йәк хәбәре

т'әне дьбьһе у нақәдинә, әв мина ви мәрьви йә, йе кә нәйнькеда р'әнг-р'уйе хвә дьньһер'ә. ²⁴ Хвә дьбинә, дәр-баз дьбә дьчә у зу бир дькә, кә әв йәки чава бу. ²⁵ Ле әве кә ч'ә'ве хвә жь қануна к'амьлә кә аза дькә набьр'ә у нава ве-да дьминә, дьбьһе бир накә, ле дьқәдинә, әв ван кьрьнед хвәда хвәзыли йә.

²⁶ Нәгәр йәк хвә хвәденас һ'әсаб дькә у зьмане хвә нь-карә, әв хвәха хвә дьхапинә, хвәденасийа ви п'уч' ә. ²⁷ Ль бәр Бав Хвәдейе мә хвәде-насийа р'аст у беқәсур әв ә: Тә'ли-тәнгийада дәст бавежьнә сөвийа^ф у жьнәбийа у һ'әвза хвә жи жь ләк'ед дьне бькә.

Фьрқийе нәкьнә нава мәрва

2 ¹ Хушк-бърайед мьн! Нун кә бавәрмәндед Хөдане мә Иса Мәсиһе хвәйир'умәт ьн, фьрқийе нәкьнә нава мәрва. ² Мәсәлә, гава йәки гөстила зер' т'ьлийеда у к'ьнщед р'әвш вәргьрти бе щьвина^ф вә, өса

* 1:19 Нав һьнәк дәстньвисарада дәвса «заньбьн» хәбәра «ава» һәйә.

* 1:20 Аһа жи те фә'мкьрьне: «Чьмки һерса мервь наһелә кә мәрвь ль бәр Хвәде р'аст бьжи».

жи йәки бәләнгаз бь к'ын-
 шед п'ьзынива бе ³у һун дина
 хвә бьднә йе хвәйе к'ыншед
 р'әвшу у бежъне: «К'әрәм кә ве
 жоре р'уне», ле йе бәләнгазр'а
 бежън: «Сәр п'ийа бьсәкьнә»
 йан жи «ве жере р'уне», ⁴гә-
 ло һун нава хвәда фьрқийе
 данайнън у набьнә һ'акьмед
 фькьред хьраб?

⁵ Бьбьһен хушк-бьрайед мь-
 нә дәлал! Нә Хвәде бәләнга-
 зед ве дьне бьжартън, вәки
 бь бавәрийе дәвләти бьн у
 варед ве П'адшатийе бьн,
 к'ижан кә Хвәде ванр'а соз
 дайә, йед кә Ви һ'ьз дькьн?
⁶ Ле һун бәләнгаза беһөрмәт
 дькьн! Чьма әв йед дәвләти
 нинън, кә зоре ль вә дькьн у
 вә к'аши бәр диwane дькьн?
⁷ Чьма әв нинън, йед кә ви
 наве қәнш беһөрмәт дькьн,
 к'ижан сәр вә йә?

⁸ Һәгәр һун қануна П'ад-
 шатийе бьқәдинън, ль гора
 ньвисара кә дьбежә: «Һәвале
 хвә вәкә хвә һ'ьз бькә»*, һун
 қәнш дькьн. ⁹ Ле һәгәр һун

фьрқийе дькьн, гөна дькьн
 у һьндава Қанунеда дьбь-
 нә йәки гөнәк'ар^ф. ¹⁰ Әве кә
 т'әмамия Қануне хвәй дь-
 кә, ле тыштәки же бәр'дьдә,
 әв дьбә дәйндаре т'әмамия
 Қануне. ¹¹ Чьмки Әве кә гот:
 «Зьнийе нәкә»* өса жи гот:
 «Нәкөжә»**. Ава һәгәр зьнийе
 нәки, ле бькөжи, дьса Қануне
 дьт'әр'ьбини. ¹² Хәбәрдан у
 кьрьнед хвәда өса бьн, чава
 йед диwана wане бь we қану-
 не бьбә, йа кә азайийе дьдә.
¹³ Чьмки бе р'ә'м we диwана
 бер'ә'ма бьбә, ле р'ә'м ль бәр
 диwane р'успи дькә*.

Бавәри у кьрьн

¹⁴ Чь фәйдә хушк-бьрайед
 мьн, һәгәр йәк бежә кә ба-
 вәрийа ви һәйә, ле кьред ви
 т'өнәбьн? Гәло әва бавәрийа
 дькарә ви хьлаз кә? ¹⁵ Мәсәлә,
 һәгәр бьрак йан хушкәк сьт'ар
 ле т'өнәбә йан һ'әвще нане
 р'өже бә, ¹⁶ жь вә йәк ванр'а
 бежә: «Бь хер у сьламәт һәр'ьн,
 гәрм у т'ер бьн», ле тыштед

* 2:8 Қануна К'аһинтийе 19:18.

* 2:11 Дәрк'әтън 20:14; Қануна Дөщари 5:18.

** 2:11 Дәрк'әтън 20:13; Қануна Дөщари 5:17.

* 2:13 Бь йунани хәбәр бь хәбәр аһа йә: «Р'ә'м сәр диwane дьк'әвә».

кө әw һ'әwщә бьн нәдә wан, чь фәйдә? ¹⁷ Өса жи баwәри, һәгәр кьред we т'өнәбьн, бь т'әне мьри йә.

¹⁸ Ле йәке бежә: «Баwәрийа тә һәйә, кьред мьн һәнә». Ле әзе бежьм: К'а баwәрийа хwә бе кьрна нишани мьн кә, әзе жи баwәрийе бь кьрнед хwәва нишани тә кьм. ¹⁹ Тө баwәр дьки, кө Хwәде йәк ә. Qәнщә! щьн^ф жи баwәр дькьн у дьбьздьн. ²⁰ Ле тө дьхwази әв йәк бе избаткьрне, мәрьве бе-һ'ыш, wәки баwәри бейи кьра мьри йә? ²¹ Нә Бьраһиме^ф баве мә бь кьра р'аст һатә һ'әсабе, гава көр'е хwә Исһақ^ф дани сәр горигәһе^ф, кө бькә қөрбан^ф?* ²² Тө дьбини кө баwәрийе т'әви кьред wi йа хwә кьр у бь wан кьра баwәри к'амьл бу? ²³ У готьна ньвисаре һатә сери, кө дьбежә: «Бьраһим Хwәде баwәр кьр у әw жер'а р'асти һатә һ'әсабе»* у досте Хwәде һатә готьне**. ²⁴ Һун дьбиньн кө мәрвь бь кьра р'аст те һ'әсабе, нә кө т'әне бь баwәрийе?

²⁵ Нә өса жи Р'әхаба^ф ч'ә'в-дәр^ф бь кьра р'аст һатә һ'әсабе, гава щә'сус қәбул кьрн у әw р'екә дьнва вәр'екьрн?*

²⁶ Аwa чаwа қальб бе р'өһ' мьри йә, өса жи баwәри бейи кьра мьри йә.

Зьман

З ¹ Бьра гәләк жь wә, бьра-йед мьн нәбьнә дәрсдар, чьмки һун заньн диwане сәр мә дәрсдара һе гьран бә. ² Бәле әм һ'әму жи гәләки шашийа дькьн. Һәгәр йәк хәбәрдане-да т'ө шашийе накә, әw йәки к'амьл ә, кө дькарә т'әмаийа қальбе хwә зәфт кә. ³ Әм гәме давежьнә дәве һәспе, wәки әw бе зәфте, кө әм сәрwertийе т'әмаийа һәспе пева бькьн. ⁴ Әм биньн сәр гәмийе жи. Әw чьқаси мәзьн ьн у жь бәр байе қайим тенә ажотьне, ле бь чәрхәкә гәләки бьч'ук тенә сәрwertикьрне, дьле гәмиван^ф к'ийалида кө бьхwазә. ⁵ Өса жи зьман ән-дәмәки бьч'ук ә, ле тыштед

* ^{2:21} Дәстпелун 22:1-14.

* ^{2:23} Дәстпелун 15:6.

** ^{2:23} Р'омайи 4:3; Галати 3:6.

* ^{2:25} Йешу 2:1-21; 6:22-25.

жъ хвә мәстър дьбежә. Дина хвә бьднә пьрискә агьр, чь дарьстанәкә мезьн дькарә бьшәвьтнә!⁶ Зьман жи агьрәк ә, дьнйакә зөлмк'ар ә нава әндәмед мәда. Әв т'әмамийа қальбе мә дьһ'әр'ьминә, агьр дәвра жийина мерьв дьхә у әв хвәха жь алава агьре доже^ф пегьрти йә. ⁷ Һәр щур'ә р'ә'вьр, тәйрәдә, шульки у һ'әйванед бә'ре тенә зәфте у зәфти мерьв дьбьн, ⁸ ле т'ө қул-бәндә зьмен нькарә. Әв зөлмк'арәки беар ә, жә'ра мә'рава дагьрти йә. ⁹ Әм бь ви шыкьрийе дьднә Хөдан у Бав, бь ви жи ньфьр'а мерьв дькьн, йед кә дьлде Хвәдеда һатьнә хөльқандьне. ¹⁰ Һәма жь ви дәви жи дөа у ньфьр' дәртен. Хушк-бьрайед мьн, әв йәк нә шайиз ә кә аһа бә. ¹¹ Гәло жь ч'ә'вканике ава хвәш у тә'л дьдә дәр? ¹² Гәло дьбә хушк-бьрайед мьн, вәки дара һежире бәре зәйт'уне бьдә, йан жи к'ола тьрийе һежире? Нә жи жь шор'айийе ава хвәш дәрте?

Сәрвахтийа дьнйайе у сәрвахтийа ә'змен

¹³ Нава вәда к'и сәрвахт у ақьл ә? Бьра әв бь п'әргалийа хвәйә қөнщ, кьред хвә бь мьлуктийа сәрвахтийе бьдә к'ьфше. ¹⁴ Ле һәгәр дьле вәда һ'әвсудийа хьраб у ч'ә'внәбари һәнә, к'обар нәбьн у р'астийе дәрәв дәрнәхьн. ¹⁵ Әва «сәрвахтийа» нә дайина жорьн ә, ле жь дьне йә, йа мәрьвайи йә у жь щьна йә. ¹⁶ Чьмки ль к'идәре һ'әвсуди у ч'ә'внәбари һәнә, ль вьр бет'әрбәти у һәр кьрьнед хьраб жи һәнә. ¹⁷ Ле сәрвахтийа жорьн, бәре пешьн пақьж ә, паше ә'дъл ә, мьлук у бәрбьһер ә, бь р'ә'ме у бәред қөнщийева т'ьжи йә, бе т'агер^ф у бе һ'ьләк'ари йә. ¹⁸ У бәре һәқийе жь алийе йе кә бь ә'дьялайийе дьчинә те чьнине*.

Йәре дьне, нәйәре Хвәде

4 ¹ Жь к'ө нә әв шәр' у д'ә'ве нава вәда? Нә жь тәмед вә нә, кә нава дьле вәда шәр'е хвә дькьн? ² Ч'ә'ве вә ль

* ^{3:18} Аһа жи те фә'мкьрьне: «У һәқи әв бәр ә, кә йе ә'дъл т'охьме ә'дьялайийе дьчинә».

тышта йә, ле нак'эвә дәсте
 вә, дькөжьн у ч'э'внэбарийе
 дькьн, ле нькарьн быгыжьнә
 мәрәме хвә, һынге һун һәвр'а
 дьк'эвьнә һ'ощәте у шәр' дь-
 кьн*. Һун дәст нахьн, чьмки
 һун һиви жь Хвәде накьн. 3 У
 гава һиви дькьн, настиньн,
 чьмки сәр нета хьрабийе һиви
 дькьн, вәки к'эфед дьле хвә
 дәрбаз кьн. 4 Беә'сьлно! Һун
 ньзаньн к'е ве дьне һ'ыз дькә,
 әв нәйартийе ль Хвәде дькә?
 Ава к'и дьхвазә бьбә йаре дь-
 не, әв хвә дькә нәйаре Хвәде.
 5 Йан т'эхмина вә бадиһәва^ф
 ньвисар дьбежә, кө Хвәде дә-
 мана ви р'өһ'е бәр мәда йә?*

6 Ле бәле әв һе к'әрәме^ф дьдә
 мә. Ләма ньвисар дьбежә:
 «Хвәде мьқабыли к'өбар-ба-
 баха йә,
 ле к'әрәме дьдә шкәстийа»*.

7 Ава бәр Хвәде шкәсти бьн.
 Мьқабыли мирещьн^ф бьсәкьньн
 у әве жь вә бьр'эвә. 8 Хвә ль
 Хвәде быгырьн, Хвәде жи ве

Хвә ль вә быгырә. Дәстед хвә
 бышон, гөнәк'арно, дьле хвә
 пақыж кьн, дөдьлино. 9 Бь-
 нә'лын, шин у гьри бьн, бьра
 к'әне вә бьбә шин у әшқа вә
 жи к'әдәр. 10 Ль бәр Хөдан хвә
 бышкеньн у Әве вә бьльнд кә.

Хәйба бьре хвә нәкә

11 Хәйба һәвдө нәкьн хушк-бь-
 рано. К'и хәйба бьре хвә дькә,
 йан лома бьре хвә дькә, әв
 хәйба Қануне дькә у лома
 Қануне дькә. Ле һәгәр тө лома
 Қануне дьки, иди тө Қануне
 нақәдини, ле һ'акьме ве йи.
 12 Т'әне Қанундарәк у һ'акь-
 мәк һәйә, кө дькарә һьн хьлаз
 кә у һьн жи өнда кә. Ле тө к'и
 йи кө лома һәвале хвә дьки?

Һ'эвза хвә жь к'өбарийе бькьн

13 Ньһа һун гөһдар бьн, йед
 кө дьбежьн: «Иро йан сьбе
 әме һәр'ьнә фьлан бажари у
 ль ве дәрә саләке бьминьн,

* 4:2 Аһа жи те фә'мкьрьне: «Ч'э'ве вә ль тышта йә, ле нак'эвә дәсте вә у дьбьнә меркөж. Һун ч'э'внэбарийе дькьн, ле нькарьн быгыжьнә мәрәме хвә, һынге дьк'эвьнә һ'ощәте у шәр' дькьн».

* 4:5 Аһа жи те фә'мкьрьне: «Кө әв р'өһ'е бәр бина мә ч'э'внэбари-йеда йә».

* 4:6 Готьнед Сьлеман 3:34.

т'ошарэтийе^ф бькын у қазынщ кын». ¹⁴ Һун нъзаньн we сьбе чь бе сәре вә. Ә'мыре вә чь йә? Һун мина мъже нә, һәв дьньһер'и һәйә, һәв дьньһер'и т'өнә.* ¹⁵ Гәрәке һун аһа бежын: «Һәгәр Хөдан бьхвазә, әме бьжин у фьлан йан беван тышти бькын». ¹⁶ Ле һун бь к'ө-бар-бабахийа хвә дьфьр'ьн. Һәр п'әйдаинәкә аһа хьраби йә. ¹⁷ Аһа әһе кә занә қәншийе бькә у накә, әһ жер'а гөнә йә.

Бона дәвләтийа

5 ¹ Ньһа һун бьбьһен, дәвләтино! Бьгьрин у шине бькын бона we бәләнгазийа кә we бе сәре вә. ² Һәбука^ф вә р'ьзи йә, к'ьнщед вә жи бунә хөре бьзузе*. ³ Зер' у зиве вә зәнг гьртьн ә у зәнга вәне бьбә шә'де мьқабыли вә у мина ала-ва егьр гоште вә һ'уфи хвә кә. Вә бона р'ожед ахьрийе хьзнә хвәр'а т'оп кьр! ⁴ Вә әһ һәқед п'алед кә ә'рде вә дьдьрутьн нәдане. Ва йә әһ һәқ дькьнә зарин. Шькийате^ф ван п'ала гьһишти йә гөһе Хөдане Зор*.

⁵ Вә ль сәр дьне ч'ә'ве хвә тыштәкида нәһьшти йә, ль гора дьле хвә хварийә-вәхварийә, чаһа к'озикьри^ф, бона р'ожа сәржекьрьне. ⁶ Вә әһ мәрвевд р'аст ломәк'ар^ф кьрын у кәштьн, к'ижан кә мьқабыли вә р'анәбун.

Сәбьр у дөа

⁷ Аһа хушк-бьрано, сәбьр кьн һ'әта һатьна Хөдан. Дина хвә бьдье, щотк'ар һивийа бәре ә'рдейи бь қимәт ә, бона we йәке сәбьр дькә һ'әта барана пешьн у пашьн ледә. ⁸ Һун жи сәбьр кьн, гөмана хвә өнда нәкьн, чьмки һатьна Хөдан незик ә. ⁹ Бина хвә жь һәвдө тәнг нәкьн хушк-бьрано, кә диһана вә нәбә. Ва йә һ'акьм пышт дери сәкьни йә.

¹⁰ Хушк-бьрано, алийе тә'-ли-тәнгийа у сәбьреда ч'ә'в бьдье вән п'ехәмбәра, йед кә бь навә Хөдан хәбәр данә. ¹¹ Бәле әһ хвәзийа хвә ль йед сәбьр дькьн тиньн. Вә бона сәбьра Ибо бьһистийә у вә дит, Хөдан ахьрийа ви чаһа

* ^{4:14} Готьнед Сьлеман 27:1.

* ^{5:2-3} Мәтта 6:19.

* ^{5:4} Қануна Дөшари 24:14-15.

хер кър, чъмки Хөдан гэләки
исаф^ф у р'ә'м ә!*

¹² Бәри һәр тышти хушк-бь-
райед мьн, сонд нәхвьн, нә
бь ә'змен, нә бь ә'рде, нә жи
сондәкә майин. Бьра «Бәле»-йа
вә бәле бә, «На»-йа вә на бә,
вәки һун диwane сәр хвәда
нәйһьн*.

¹³ Һәгәр йәк жь вә тә'ли-тән-
гийеда йә, бьра дөа бькә. Һәгәр
йәк ша йә, бьра әшқи Хвәде
бьстьре. ¹⁴ Һәгәр йәк жь вә
нәхвәш ә, бьра гази бәрпър-
сийаред шьвине кә, сәр вида
бьра дөа бькьн, бь наве Хөдан
бь р'ун^ф р'ун кьн*. ¹⁵ У дөайе
бь бавәрийе we йе нәхвәш
қәнш кә у Хөдан we wi р'акә
сәр п'ийа. У һәгәр гөнәк жи

кьрьбә, we wi бе бахшандь-
не. ¹⁶ Ләма бәр һәв гөнед хвә
бьдьнә р'уйе хвә у бона һәв
дөа бькьн, вәки һун қәнш бьн.
Дөайе йе р'аст гэләки қәват
ә у һ'өкөм дькә. ¹⁷ Елийас^ф хут
мәрвьәки мина мә бу, бь дьл
у шан дөа кър, кә баран нә-
барә у се сал у нива сәр ә'рде
баран нәбари*. ¹⁸ У паше диса
дөа кър, жь ә'змен баран бари
у ә'рде бәре хвә да.

¹⁹ Гәли хушк-бьрайед мьн!
Һәгәр йәк жь вә жь р'ийа
р'астийе бьк'әвә у йәки дьн
ви вәгәр'инә, ²⁰ бьра әв заньбә
йе кә гөнәк'ар жь р'ийа вийә
хальфи^ф вәдьгәр'инә, әв р'ө-
һ'әки жь мьрьне хьлаз дькә у
гәләк гөна р'әсит дькә*.

* 5:11 Ибо 1:1-22; 2:10; 42:10-17; Зәбур 103:8.

* 5:12 Мәтта 5:34-37.

* 5:14 Марқос 6:13.

* 5:17 П'адшати III, 17:1; 18:1; 18:41-45.

* 5:20 Пәтрис I, 4:8.